

11-11-7.

LIBRARY
OF THE
VIR UNIVERSITY OF ALBANY
PRAENOBILISSIMO AMPLISSIMO 1884
DOCTISSIMO

IOANNI CHRISTIANO
FRANKLO

IVR. VTR. DOCTOR. IVDICII PROVINCIALIS IN MAR-
CHIONATV LVSATIAE INFERIORIS ASSESSORI
CAVSARVM PATRONO CELEBERRIMO

DOROTHEAE MELISABETH
TITAE

VIRGINEM LECTISSIMAM BEROLINO VITEBERGAM
VXOREM DVCENTI


GRATVLATVR
IOANNES CHRISTIANVS HENRICI

A. M. et Lycei Viteberg. Corrector.

IN EST DE VESTIS NVPTIALIS APVD GRAECOS ET
ROMANOS COLORE.

VITEBERGAE,
TYPIS ADAMI CHRISTIANI CHARISII.


1780.





SPONSE FELICISSIME

Sponsi vitam hucusque vixisti, non tamen mollem illam et delicatam, sed eam, quae virum decet, modestam, et liberalis gaudii, affectusque tenerrimi dulcedine abundantem. Praeclare enim Tecum actum est divinae providentiae beneficio, quae votis Tuis ita annuit, ut sponsam iam nactus sis, omnibus iis virtutibus ac ornamentis instructam, quae in ea, quam Tibi lecturus esses, tori socia ut invenirentur, semper optabas. Ut enim nihil dicam de conditione hac lauta, id potius praedicabo, naturam non modo sponsae huic Tuae in dispendiis corporis dotibus minime fuisse novercam, sed larga manu omnia Ipsi tribuisse, quae ad sexus elegantioris gratiam faciant commendandam: verum etiam, quod utramque facit paginam, fornicoso ac venusto huic corpori animum inesse aequè praestantem, sapienti parentum cura ac educatione ad pietatem erga Deum, frugalitatem, morumque elegantiam formatum, ut, nescio quae, fausta inde auguria



felicitatis coniugii Tui capere inde quilibet possit. Equidem, qui non solum abs Te, sed a tota quoque gente Tua, in urbe nostra splendidissima beneficiis ornatus sum prorsus singularibus, et omnino in utriusque fautorum meorum fortunae societatem venire et soleo, et debeo, temperare mihi non potui, quin per hanc opportunitatem gaudium meum Tibi declararem, faceremque testatum, quantum beneficiis abs Te Tuisque mihi praeestitis statuam pretium. Patere igitur, Fautor Optime, ut hanc levem opellam meam, quam nulla vanae gloriolae captandae cupiditas, sed pietatis modo Tibi declarandae studium propulit, iudicio Tuo submittam elegantissimo, certissime persuasus, fore, ut, quicquid huius rei sit, aequi bonique consulas.

Iam primum cum vestis multorum in oculis omnino faciat virum, multum ad pulcritudinem conciliandam et augendam valeat, oculosque in amore quippe duces perstringendo, vel animum ipsum facilius capiat; mirum non est crebram in re amatoria vestium fieri mentionem, amantesque ab antiquissimis iam inde temporibus earum summo opere studuisse splendori. Sic Petala apud Alciphronem Ep. I. l. 36. queritur: *δ᾽ ἄνδρες ἡμῶν, ἱματίων, κόσμος, Θερσπαινίδων, opus est, nobis auro, vestibus, ornatu, ancillis.* Addit statim causam: *τὰ ἀρχαῖα καὶ τεύχενα προβαλλομένη Τερσπαινιδία αἰσχύνονται τὰς φίλας, pudet vetustis et cilicinis amicitiri Tarentinis vestibus apud amicas.* Locum huic similem Berglerus attulit in nota e Luciani Dialog. Meretr. Mater ibi ad Musarium filiam: *ἐκ αἰσχύνης, inquit, μόνη τῶν ἑταίρων ἐκ ἐλλάβιον, ἐκ ὄρεμον, ἢ Τερσπαινιδίων ἔχουσα;* - Non pudet te, *quod sola neque inaures habes, neque monile, neque vestem Tarentinam?* de cuius vestis vfu vid. Perizon, ad Acl. V. H. l. VII, 9.

Habet



Habet vero quod accuset Simalionem suum Petala, vestesque ab eo postulet, cum moris esset, ut amatores amatis a se puellis testificandi amoris causa vestes dono mitterent, sicut hoc non obseruato, refrigerati amoris incurrebant suspicionem. Manifesto id liquet ex eiusdem Alciphronis l. I. Ep. VI. ubi Panope perfidiae crimen marito obiicit, et praeter alia exprobrat, eum ad Galenen mittere *κεκευφάλας Μιλησίας, καὶ Σικελικὸν ἱμάτιον, reticula Milefia et vestem Siculam*. Diligenter obseruant hanc consuetudinem Penelopes proci apud Hom. Odyss. Σ. v. 290. sqq. in primis Antinous, qui donabat *μέγαν περικαλλέα πέπλον magnum et perpulcrum pepulum*. Quo nomine Leontium l. II. Alciphronis Ep. II. amatorem suum laudibus cumulat, quod, non cessasset omnia ipsi bona mittere, vestem, aurum, ancillas, seruos, Indos, Indas, *πάντα μοι τὰ γὰθὰ πέμπων, ἔ διαλέλοιπεν ἐδῆτα, χρυσέα θερρακαίνας, θεράποντας, Ἰνδὰς Ἰνδαίς*.

In primis autem commemorandum hic est, sponsum sponsae vestes muneri obtulisse. Fidem huius rei facit Homerus Odyss. O. v. 126. Telemacho ibi. Helena tradit pepulum sua manu factum his verbis:

Δῶρόν τοι καὶ ἐγὼ, τέκνον φίλε, τῷτο δίδωμι
Μνημ' Ἐλένης χειρῶν, πολυηράτε ἐς γάμους ὤρην
Σῇ ἀλόχω Φορέειν.

Donum tibi et ego, fili dilecte, hoc do, monumentum manuum Helenae, optatarum nuptiarum tempore sponsae tuae gestandum. Re-spexisse hoc etiam videtur S. Ambrosius Serm. IX. quo in loco Agnetem lego de Christo sponso suo praedicare, induit me cyclade auro texta. Qui mos sicut antiquissimus est, ita apud orientis praesertim populos visitatus fuit, ipsis sacris literis testibus. Inuenio enim Genes.

XXIV, 53. Elieserem Isaaci proxenetam Rebeccae praeter alia muna vestes quoque apportasse. Neque vero dubitandum est, quin plures scriptores sacri hoc tangant, ut Esaias c. LXI, 10. Luculentius Ezech. XVI, 10. sicut Ioannes Apoc. XIX, 8. Quibus tamen locis fusius enarrandis angustii non patiuntur libelli fines, ideoque consulto doctioribus interpretibus ea relinquo.

Sponsam autem sponso vicissim vestes dono exhibere consuevisse argumentis certis affirmare non sustineo. Est quidem locus Nicephori Hist. eccles. l. 18. c. VIII. qui de nuptiis Mauriti Imperatoris et Constantiae agit, et praeter alia narrat, hanc ex auro contextam vestem, purpura et Indicis margaritis distinctam praebuisse. Cum vero non satis ex eo liqueat, sponsum hanc vestem accepisse eius potius me non poenitet esse sententiae, ut statuam, sponsi amicis has vestes esse datas. Quem morem Homeri aetate iam obtinuisse discere licet ex Odyss. Z. v. 25. sqq. Nauficaam enim Alcinoi, puellam nubilem, per somnium Minerua reprehendit ob neglectas vestes:

Ναυτικάα, inquit, τί νυ σ' ὧδε μεθήμονα γείνατο μήτηρ
Εἴματα μὲν τοι κείται ἀκηδέα σγαλάντα·
Σοὶ δὲ γάμος σολεδόν ἐστίν, ἵνα χρεὶ καλὰ μὲν αὐτὴν
ἔνυσθαι, τὰ δὲ τῶσι παρασχέιν οἷ κε σ' ἄγωνται·

*Nauficaa, quid te sic onissam peperit mater?
Vestes enim tibi iacent neglectae admirabiles:
Tibique nuptiae instant, ubi oportet pulcras te ipsam
Induere, talesque illis praebere qui te ducent.*

Notat hic Eustatius: ἔθος γάρ, φασιν, ἦν τὰς νύμφας ταῖς τῷ
νυμφίᾳ ἐθήτας ἐν τῷ τῷ γάμῳ καὶ εὖ χαρίζεσθαι, moris erat hoc sicut
ferunt,

ferunt, ut sponsae amicis sponsi nuptiarum tempore vestimenta dono darent. Quibus Eustathii verbis novi foederis interpretes, in primis Dougltaeus in *Analectis sacris* ad N. T. excurs. XV. loco Matthaei, c. XXII, 11. conati sunt accendere lucem, mea tamen sententia non satis claram, cum potius ibi asserere testimonia e veteribus debuissent, quibus efficeretur, non tam sponsam, quam potius sponsum, aut quod idem esset, sponsi patrem convivis, aut sponsae comitibus, distribuisse vestes. Crederem potius locum Iudicum XIII, 12. sqq. huc trahi posse. Valde enim probabile est, Samsonem, cuius officium quidem erat vestes in nuptiis dispensare, res tamen tam angusta domi, ut vel caede vestes acquirere tandem cogeretur, eo potissimum nomine aenigma proposuisse, ut, eo non soluto, a vestibus largiendis se redimeret. Plura qui desiderat, adeat Michaelis *Commentarium* ad libr. Iud. I. c. et Hessii *Geschichte der Israeliten* Tom. VI, l. III, c. 2. Redeo iam, diverticulo detentus, ad munera sponso a nova nupta oblata, ubi statim occurrit locus Pollucis l. III, c. III, in quo inter munera a sponso virgini data fit quoque mentio amiculi ac pepli, item veli lectum ambientis, sive cortinae, ac deinde agit de chlamyde, in ἀπαυλοῖς missa: ἀπαυλιστήρια, χλαμῖς (lege potius cum Iungermanno ἀπαυλιστήρια χλαμῖς) ἀπὸ τῆς νύμφης τῷ νυμφίῳ ἐν τοῖς ἀπαυλοῖς πέμπεται. Ἀπαύλια autem eodem Polluce auctore erat dies, quo sponsus in sacri aedibus cum nova nupta concumbebat.

Iam vero, ne in congerendis huius rei exemplis putidus videar, fastidiumque lectori creem, properandum est ad id, quod vberius tractandum mihi proposui, nempe vestium nuptialium dono plerumque datarum colorem. Cum vero gentium veterum mores et instituta valde

de inter se discrepent, et apud eundem saepe populum huic homini mirifice placere soleat illud, quod alterius iudicio minime applausum ferat, vix est, quod moneam, vestes nuptiales, sicut ipsa forma, ita colore quoque magnopere fuisse diuersas. Missa vero hic facio omnia, quae de aliorum populorum amictu nuptiali passim traduntur, vt de hominum orientis vestibus acu pictis, Psalm. XXXV, 10. et Ezech. XVI, 10. commemoratis, et pedem modo figam apud Graecos et Romanos. Insignis hic est Achillis Tatii locus l. II. c. IX. in quo Leucippes Clitophonti nupturae ornatus varius, isque splendidissimus, refertur. Habebat nempe Leucippe ἐδῆτα τὸ πᾶν μὲν πορφύρεᾶν, ἐνθα δὲ τὰς ἄλλας ἐδῆσιν ἡ χώρα τῆς πορφύρας; ἐκεῖ χρυσὸς ἦν, *vestem purpuream totam, nisi quod ea pars, quae in aliis purpura constat, ex auro erat texta.* Neque tamen purpura erat vulgaris, sed, vt in sequentibus additur, Tyria optima, eaque pretiosissima, qua vel ipsum Veneris populum tingi consuevit. Cramben vero ab aliis saepius iam decoctam apponere hic auderem, si monerem, vestium purpura, praesertim Tyria, tinctorum tantum fuisse pretium, vt non cuiusque facultates iis comparandis sufficerent. Quapropter facile est intellectu, hanc Leucippes amictum, quem in nuptiis gestatura erat, non a quibuslibet sponforum, praecipue ab iis, quibus res tenuis erat, sponsis potuisset comparari, adeoque non fuisse communem colorem purpureum. Disertis etiam verbis dicit, eam tantummodo vestium partem, quae hic auro texta esset, in aliis fuisse purpuream. Vnde colligo, nec falli me putarem, sermonem esse de stola, cuius imam partem ambire solebat insuta assuta, quod Ferrarius ostendit de R. V. l. III. c. 17. Quod si fides Salmasio ad h. l. est habenda, aliae eiusmodi vestes erant albae

albae et πορφυρέσσημοι, seu purpura clauatae, cui Rubenius quoque suffragatur l. I. c. 10. de R. V. Ferrarius cero in Analectis de R. V. in alia omnia discedit, Rubeniumque ait confundere clauos cum inflata, qua stola ad oram erat ornata, clauos enim in vestibus Graecorum esse nullos. Quo vero iure Rubenius a Ferrario vapulet, intelligent, qui e Wiuckelmanni Historia Artis sciunt, in statuis Graecis variis ex stanno et aere permixto conflatis, clauos diligenter expressos esse, ita, vt e solo aere cyprio ferruminando aut fibulis inditi sint statuis, ad indicandum purpurae colorem. Attigit haec etiam Ernesti ὁ πᾶν in Archaeologia literaria c. II. c. VI. §. 12. et 16. Aeris autem huius temperaturam fusius describit Plinius H. N. l. XXXIII. c. 9, et 14.

Album vero vestis in nuptiis solennis colorem luculentius confirmat idem Achilles Tatius l. III, c. 7. Erat scilicet Pelusii templum Iovis Casii, in quo duplex Evandri tabula erat proposita, quarum in altera repraesentabatur Andromedae, vinculis saxo alligatae, nota illa fabula. Andromeda vero ibi ἔθηκε νυμφικῶς ἐσολισμένη ποδήρης χιτῶν, λευκὸς ὁ χιτῶν, τὸ δὲ ὕφασμα λεπτὸν, ἀραχνίων εἰκὸς πλοκῇ etc. *Sponsarum more erat vestita, tunica talari, eaque alba atque araneosae reti subtilitate pari.* Ne vero falcem hic immittam in alienam messem, lectores ablegabo ad Salmasium ad h. l. inprimis vero Excellentissimum Bodenum, praeceptorem meum omni laude mea longe superiorem, qui de tenuissimo hoc indumento plura ibi disseruit, quam per angustias libelli mei recensere possim. Monendum etiam videtur album huius vestis colorem minime vulgarem hic esse, sed potius candidum, cuiusmodi vestes omnino laetitia signum erant, festisque diebus induebantur.

bantur. Luculentius id apparet ex ipsa sponsae veste nuptiali Apocal. XIX, 8. Εἰδόθῃ αὐτῇ, ἵνα περιβάληται βύσσινον καθαρόν καὶ λαμπρόν *et datum est illi, ut sese indueret byssino puro et candido.* Vides hic esse λαμπρόν, quod apud Achillem Tatium λευκόν, de quarum vocatione discrimine infra plura dicendi locus erit.

Neque vero Graecorum tantum moribus convenit color albus in veste sponsae nuptiali, sed etiam Romanis fuit usitatus. Non opus hic est multis argumentis, cum nemo facile sit, qui nesciat, ingenuos Romanorum liberos togis praetextis indutos incessisse, quas, sicut pueri die tirocinii, ita puellae commutarent cum toga pura die nuptiarum. Cuius rei testem excito Festum: *Nubentibus*, hic inquit, *depositis praetextis a multitudine puerorum obscena clamabantur.* Cui assentit Propertius l. IV. El. XII. v. 33.

Mox ubi iam facibus cessit praetexta maritis,
Vinxit et acceptas altera vitta comas.

Cum itaque praetextas eo demum tempore deposuisse dicantur, ubi fescennina carmina iis occinebantur, facile adducor ut credam, ipsa nuptiarum die puellas adhuc praetextatas fuisse, ita, ut vesperi eius diei praetextis depositis pura toga, tunicaque recta induerentur. Eadem quoque Plinius refert l. VIII, 48. H. N. ubi de C. Caecilia: *Ea prima texiit tunicam rectam, qua simul cum togâ pura tirones induuntur, novaeque nuptiae* cfr. etiam Laz. Bayfius de R. V. Tom. VI. Thef. Graev. p. 579. Puram autem togam ἀπὸς πορᾶν seu sine purpura, albamque totam fuisse, cum praetexta contra et ipsa alba, purpureo tamen limbo in circuitu ornata fuerit, sciunt omnes harum rerum

rerum noticia vel leuiter imbuti. Tunica quoque recta sursum versum a stantibus texta alba fuit, de qua hic nullus, alibi commodior erit dicendi locus.

Iam vero res mihi erit cum sponso apud Graecos, quem tinctis vestibus ornatum fuisse constat ex Luciani Nigrino, qui tradit, Athenis deprehensum esse quendam e multitudine et ad praesidem ludorum ad ductum ea de causa, quod βαπτὸν ἔχων ἱμάτιον pallium variis coloribus infectum gestans spectaculis interfuisset. Vniuersos vero eius misertos veniam ei esse precatos. Vbi vero praeco exclamasset, in leges eum commississe, qui tali veste indutus spectaret ludos, omnes quasi deliberato postulasse, ut, venia ipsi daretur, cum nullam aliam haberet vestem, nisi hoc pallium nuptiale. Cuius rei argumentum inuenies quoque apud Suidam in voce βαπτὰ. Cum vero hic omnia debeat Scholiastae Aristophanis, ipso Kustero ibi notante, locum Aristophanis potius excitare hic praestat, posteaque eius interpretem. Legimus enim in Pluto Act. II, Sc. V. v. 530. Paupertatem disputare, si omnes essent divites, fore ut artes omnes tollerentur e vita, vt nemo strueret domos, pretio vestimenta lavaret nemo, breuique futurum, ut, si nova nupta domum esset ducenda, nemo vnguentis se posset delibueri aut vestibus se ornare pretiosis infectis et versicoloribus, ἱματίων βαπτῶν δαπάναις κοσμήσαι ποικιλομόρφων. Ad quae verba interpres: Βαπτὰ γὰρ ἱμάτια φορεῖσιν οἱ νυμφεῖσι, πρὸς τὸ φαίνεσθαι τεκμήριον, οὐ μὴ τῆς βαφῆς, tinctas vestes sponsi gestabant, in tincturae, ut autumo, indicium. Kusterus doctissimus Suidae editor praefert Suidae lectionem illi, quam habet Scholiastes, qui βαφῆς legit loco φθορᾶς. Magnus autem Duckerus ad hunc Aristophanis locum inge-

nue fatetur, se ex neutra harum lectionum commodum elicere sensum posse, nisi velis statuere, *Φθορὰν* ibi significare sponsi sponsaeque coniunctionem seu *μίξιν*, quemadmodum permissiones colorum a pictoribus *Φθοραὶ* vocarentur. Legendum itaque censet *χαρὰς gaudii*, cuius tamen rei arbitrium, tanti viri auctoritate permotus in me suscipere non sustineo. Nemo tamen ibit inficias, *βαπτὰ ἱμάτια* non modo eadem esse, quae *ποικίλα* versicolores scilicet a *βαπτειν*, quod idem saepe est, ac *ποικίλλειν*: sed etiam has *ποικίλας ἐσθῆτας* gaudii fuisse signum, cum viri quoque iis usi esse narrentur, *ἐν ἐορταῖς καὶ πανηγύρεσι*. Occuparunt haec Duckerus ad Aristophanis l. c. et quos ibi excitat Salmas. ad Vopisc. Carin. c. 6. et Ferrar. de R. V. l. III, c. 22.

Minime tamen his ex locis effici poterit, colorem in vestitu sponsi nuptiarum tempore gestato semper fuisse versicolorem, cum ex Nonno Dionys. l. XXXV, v. 112. sqq. appareat, eum quoque interdum fuisse album. Chalcomedeia ibi suadet Morrheo, ut armis depositis vestem induat albam nuptiis convenientem, his verbis:

Κατ'θεο σὺν θώρηκα σιδήρεον, ὅττι χορῆναι
 Εἰς γάμον ἀβροχίτων, ὅτε κύπριδι μίσγεται Ἄρης.
 Ἐίματι χρίονα πεπνυασμένους, ὥσπερ Ἀπόλλων
 Ὀρε Πύθους καὶ Κύπρις etc.

Depone tuum thoracem ferreum, quod saltat
 In nuptiis mollem tunicam habens quando Veneri miscetur
 Mars,

Vestimento candido tectus, ut Apollo,
 Ut Amor et Venus etc.

Cui dicto audiens Mortheus in sequentibus indutus narratur peplo, seu pallio niveo colore *χιονώδες πέπλος*.

Præterea extat Plauti locus Casina Act. II, sc. VIII. commemoratu dignus, qui sic se habet:

At candidatus cedit hic mastigia,

Stimulorum loculi: protollo mortem mihi.

Cum vero locus hic interpretes in diuerfas traxerit sententias, habere me censeo, quod in eo explicando ingenium exerceam meum. Veste Olympionem candida sponforum more hic indutum esse, Bosfius ait de Toga c. XIII, et cum eo Lambinus et Taubmannus Plauti editores: negat vero Lipsius Elect. l. I. c. XIII. p. 680. qui contendit, candidatum esse Olympionem, quod iam nouus esset libertus, sociumque habet Fabrum Semestr. l. I. p. 70. sq. Ferrarius autem parum sibi constat, cum libro III. de R. V. c. XXIV. Lipsii sit suffragator, contra l. IV. c. 21. aliorum. Liceat tamen mihi, qui nullius in verba, nisi grauib. motus rationibus iurare soleam, cum iis facere, qui suum Lipsio suffragium denegent. Primo enim Lipsio, salua mea, vt puto, sententia libenterque concedo, nouos libertos albatos incessisse, cum Tertulliani locus ab ipso allatus id luculenter efficiat, cui plura etiam addi potuissent loca ex Aristophanis Theismoph. v. 847. eiusque Scholiaste ad h. l. vt ex Achille quoque Tatio l. V. c. 6. Eratne autem Olympio vere libertus, vt candidatus incedere posset? Imo plane aliud. Stalinonis enim verba hac in fabula probant alia omnia. Sic enim ille Act. II. sc. VIII.

Cras censēs te posse emitti manu.



In prologo etiam huius fabulae nuptiae hae dicuntur seruales; Graecorum more celebratae, apud quos, ut ibi dicitur, maiore saepe opera seruales, quam liberales nuptiae solitae sint curari. Ipse etiam Olympio de manumissione sua dubius haeret, cum Act. III. sc. 6. ad Stalinonis domini verba: *lepide curatus incessisti*, respondeat:

Ah! hodie.

Quod ex mente Lambini est: ah hodie sic excuratus incedam, cras ad seruitium erit redeundum. Idem ex sequentibus elucet:

— *Ol.* Quis hic homo es? *St.* herus sum. *Ol.* qui herus?

St. Cuius tu seruus est. *Ol.* Seruus ego? *St.* Atque meus

Ol. Non sum ego liber?

Memento, memento. *St.* mane atque alta. *Ol.* Omitte,
seruus sum tuus.

Deinde Lipsius ignorasse quoque videtur ea, quae Act. IV. sc. I. leguntur, ubi ancilla Olympionem, cum falso futurum se Casinae sponsum putaret, ludibrio habet, ut tota orationis docet series. Sic enim loquitur:

Villicus hic autem cum corona candide

Vestitus, laute exornatusque obambulat.

Vides itaque Olympionem non modo candide esse vestitum, sed et cum corona, quam in sponsi, sponsaeque fuisse ornamentis praeter alios docuit Maderus in libello de coronis nuptialibus 1688. Helmstadii edito p. 23. sqq. et Paschalius de coronis l. II, c. 16. Addo his Act. II. sc. II. egredi Olympionem cum lampade, qua Lambino auctore spon-
sam praelucendo vult excipere. Lampadis vero aliis etiam in locis so-
lenni-

fennitati scilicet nuptiarum adhibitas, sit mentio, ut apud Terent. Adelph. Act. V. sc. VIII.

— *Missa haec face*

Hymenaeum, turbas, lampadas, tibicines
ad quem Guietus et Rosinus l. V. c. 37. Antiq. Rom. plura congesterunt exempla, me vero horum iam taedet. Miror quoque, nonnullos interpretum vestem Olympionis togam fuisse contendere, cum tamen comoedia haec sit palliata, saepiusque non modo in prologo, verum etiam in ipsa fabula pallii fiat mentio.

Instituti mei postulat ratio, ut iam ad sponsi amictum apud Romanos pergam. Non habeo, quod hic multis verbis disputem, cum nemo antiquitatum tam sit rudis, ut ignoret, togam communem et propriam Romanorum cuiusque ordinis fuisse habitum omni tempore, si bellum excipias gestatum. Insolentius quoque agere viderer, si lectoris morari vellem tempora allatis hic veterum testimoniis, quae efficiant, colorem togae quotidianum fuisse album, cum non adeo difficile sit, ipsos adire viros, qui ex instituto de vestibus exposuerint veterum, Bosium puta de Toga, Ferrarium, Rubenium, Baysium, Manutium. Festis vero diebus omnibus, et publice priuatimque laetis, non aliam in usu fuisse vestem apud gentem illam togatam, peculiari tamen candore insignem aperte cognosces e Prudentio contra Symmachum:

Exultare patres videas pulcherrima mundi

Lumina, conciliumque senum gestare Catonum.

Candidiore toga, niveum pietatis amictum

Sumere. —

Augusto Puteolanum sinum praeteruscenti vectores nautaeque
de naue Alexandrina in laetitiae puto signum, *candidati* coronatique
et thura libantes fausta congefferunt omnia. Sueton. Aug. c. 98. Per-
fius quoque Sat. l. v. 15.

Scilicet haec populo pexusque, togaque recenti
Et natalitia tandem cum Sardonyche albus
Sede leges cessa.

Eadem quoque Ouid. l. III. Trist. El. 13.

Scilicet expectas solidam tibi moris honorem,
Pendeat ex humeris vestis vt alba meis.

et libr. V, el. V. de vxoris natali:

Quaeque semel toto vestis mihi fumitur anno,
Sumatur fati discolor alba meis.

Haec et Casaubonus ad Persii l. c.

Quibus tamen in locis omnibus, non quotidianus ille togae albor
ex nativo lanae colore, sed insignis quaedam et peculiaris indicari vi-
detur, quod alias non videmus, cur auctores huius rei tanquam non
semper visitatae faciant mentionem, nec, quo discrepet habitus festus
a quotidiano. Hunc nodum Lipsius iam inuenit, et soluisse se putat
Elect. l. I, c. 13. p. 681. ratus, non aliud fuisse in eo more, quam vt
per dies solennes togas sumissent recentes, vsuque nondum sordidas,
quod et locus Prudentii iam adductus innuere videtur, vt ille quo-
que apud Ouidium:

Vestibus intactis Tarpeias itur ad arces,
Et populus festo concolor ipse suo est.

Quod

Quod etsi interdum factum fuit, sicut non inficias eo, unde vero tenuioris fortunae homines, quibus vix vna togula erat, recentem toties sumserunt, quum et totum populum, ideoque plebeios ac pauperes festis diebus albatos fuisse legimus? Equidem committere hic non possum, vt partes deferam Ferrarii, qui l. l. c. 22. statuit, festis, laetisque diebus non togas semper recentes sumtas, sed vel ab ipsis dominis lotas, vel a fullonibus, quorum ingens Romae numerus, totumque collegium fuit, vt pluribus Schoetgenius ostendit, de *Re fullonia*, lauandas, nouumque candorem pro facultatibus quemque maiorem forte, iis conciliandum curasse. Quod non solum Martialis non obscure confirmat l. X. Ep. XI.

Donau tamen, inquis amico millia quinque,

Et lotam, vt multum, terque quaterque togam.

sed ea quoque ipsa loca, quibus Lipsius pro stabilienda sententia sua vtitur, vt in Plauti Aulul. Act. III. Sc. VIII.

Qui vestitu et creta se occultant, et sedent quasi sint frugi.

Accuratius igitur puto eos statuere, qui dicant, candidas non albas festis diebus in vsu fuisse vestes apud Graecos aequae, ac Romanos, cum ex dictis iam apparet, album et candidum in vestimento, vt in aliis rebus, apud poetas praecipue, saepe confundi, sicut voces Graecas λαμπρὸν *splendidum* aut *candidum* et λευκὸν, quod *simpliciter album* notat, scriptores Graeci saepe commutant. Otium hic mihi fecit Casaubonus in Exercit. ad Baronii Annales Exerc. XVI. p. 533. qui praeter alia etiam ostendit, candidum colorem vel regum fuisse



insigne. Nec tamen possum, quin Horatium huius rei testem excitem Sat. II, 11.

Ille repotia, natales, aliosque dierum
Festos albatu celebrat.

Iam igitur cum tanta togae eiusque candidae Romae fuerit gratia, tantusque honor, ut eam festis diebus, ut in natalibus et repotiis, septima scilicet post nuptias, die, qua nova nupta ad parentes suos solebat redire, induerent: quid impedit, quo minus statuere possimus eam quoque in nuptiarum solennitate sponso fuisse ornamentum? Accedit etiam hoc, quod festo hoc priuato semper fere maxime in confarreatione solennia facta fuisse sacrificia legimus. Constat hoc ex Vlpiani fragmento VIII, 1. apud Heineccium Antiq. Rom. l. X. et Rosin. l. V. 37. Ant. Rom. p. 606. qui: *Farre*, inquit *conuenitur in manum, certis verbis et testibus decem praesentibus et solenni sacrificio* etc. Plura suppledit Hotomannus de Ritu Nupt. c. 29. Quemadmodum vero omnino candidus color boni omnis causa acceptus fuit veteribus: ita et in sacris peragendis solennis fere fuit, diisque placuit. Diogenes Laertius de Vit. phil. l. VIII. segm. 35. p. 517. edit. Meibomii τὸ μὲν λευκὸν τῆς ἀγαθῆς φύσεως τὸ δὲ μέλαν τῆ κακῆς. *Candidum ad boni pertinet naturam: atrum vero ad mali.* Conf. ad h. l. Thom. Aldobrandinus et Aeg. Menagius. Cicero de legibus II. 18. *color albus praecipue decorus Deo est, tum in caeteris, tum maxime in textili* Tibull. II. el. 13.

Casti placent superis, pura cum veste venite etc.

Puram



Puram vero vestem, hic esse candidam ostendit Broeckhusius ad h. l. p. 280. Plura etiam dabit Lomeierus in Epimenide p. 422.

Haec erant, quae me propellere iussit pietas, non tamen ita comparata, ut volui, sed ut per temporis, tumultuariique libelli angustias potui. Quo nomine et aequos harum rerum aestimatores gratiam mihi facturos confido eorum, quae non satis exacte et diligenter sint elaborata.

Tu vero Fautor Optime macte esto coniugii Tui felicitate et vale. Dabam Vitebergae VI. Kalend. Mart. A. R. S. c161occlxxx.





